

<http://www.Yashilmisho.com>

Email: Info@Yashilmisho.com

Print: 1400/07/29



زندگینامه عبدالعلی مجازی

آدیم عبدالعلی، سوی آدیم مجازی، (آسلان) تخلص ائدیرم

آتامین آدی یوسف، دوغوم ایل ۱۳۱۳/۷/۴ گونش ایل

دوغوم یئری آذربایجانین گونئی ماحالی، شبستر شهری نین شمالیندا، میشو داغی نین سولو-چایلی، چشمه لی-بولاقلی، گول-چیچکلی، باغ باغاتلی، خوش هاوالی اتک لرینده یئرله شن شانجان کندی بیره اثر کن ال صنعتلی (آزاد و ابتدائی) بینا سالان، مال داوار ساخلایان، اکینچی لیک ائدن و شال توخوماقلا ایمرار معاش ائدن بیر عائله ده آنادان اولموشام.

آذربایجانین وضعیتینی خاراب اولدوغونا و تحصیل ایمکانی اولمادیغینا گوره ۱۱ یاشیما قدر سوادسیز ایمیشم، ۱۳۲۴ دن ۱۳۲۵ نجی ایله قدر میلی حؤکومت (فرقه دمکرات) زمانی، تحصیل ایجباری اولدوغونا گوره بیر ایل آنا دیلمده درس اوخوماغا نائل اولموشام.

ائله بو ایللرده کی بیر آز عاقلم کسیردی، مهربان آتامین سؤز سوویندان، باشلارینا گلن قضا قدرلریندن، شاهلاردان، خانلاردان، به ی لردن، اثرمنی موسلمان ساواشیندان، قدیم کندلرین و ائولرین تالانماسیندان، باهالیقدان، آجلیقدان، طاعون، وبا خسته لیگیندن، دب لردن، رسم لردن، کوز گونلوکدن، ایماندان، قیامتدن و شیرین شیرین ناغیل لاردان بهره لیمیشم.

۱۲ یاشیمدا میلی حؤکومت دییشیلندن سونرا همان ۱۳۲۵- نجی ایلین اسفند آییندا تهرانا مهاجرت ائتمه مجبور بیتینه معروض قالمیشام.

هر حالدا ۵۷ ایل، ۱۳۸۲- نجی ایله نسبت، تهراندا یاشادیغیما و فارس دیلی و ادبیاتیندا، ادبی تحصیل آلمایما و ۲۵ ایل اداره لرین دفتر و یازی ایشلرینده ایشله مک و مختلف مدیریت و اداری دؤره لری گوردوگومه باخمایاراق، آنا دیلمده یازیب یاراتماقی اؤزومه بیر یوکسک بورج بیلیمیشم.

اوشاقلقدان تورکو دیلینه عاشیق اولدوغوما و بیر ایل ده اوشاقلقدان تورکو اوخوماغیما گوره و آتامین شیرین شیرین لایلاری سینما پرده سی کیمی گوزومون اونوندن کئچر و یادیم دوشرکن هر هارادا روزنامه، کیتاب و نشریه تاپسایدیم، آلدیم اوخویاردیم و ساخلایاردیم، ایندییه جک نئچه دؤنه یازدیقلاریم و کیتابلاریم جیریلیب، ایسلانیم و یانیدیر، یئنه او مسئله لره باخمایاراق، انقلابدان بوینا هر نه کیتاب، روزنامه و درگی چاپ اولوب دور، چالیشمیشام کی آلیم، اوخویوم و ساخلاییم، ایندی ۷۰ یاشیمدا اؤز آتو کیتابخانامدا یازیب، یاراتماقلا باشیمی قاتیرام.

تورکون تکمیلی ادبی دیلینی اؤیرندیگیم اوستادلاردان نئچه سی نین آدینی گتیریرم و اونلارین اولن لرینه رحمت، قالانلارینا یوکسک نائلیت لر و اوزون عؤمور اولوتانری دان دیله بیرم.

مرحوم دکتر تیمور پیر هاشمی، دکتر حمید نطقی، پروفیسور محمد تقی زهتابی، پروفیسور غلامحسین بیگدلی، پروفیسور حمید محمدزاده، اوستاد عبدالکریم منظوری خامنه، علی کمالی، علی تبریزی، و قارداشیم قدرت الله مجازی، دکتر جواد هیئت، دکتر حسین محمدزاده صدیق، اوستاد یحیی شیدا و اوستاد محمد علی قوسی فرزانه و...

انجمن لردن : اوستاد شهریار درنگی - گونئی مدنیت اوچاغی و آیری ادبی انجمن لر

ایندی ایسه آنا دیلمده شعر یازماقلا و فولکلور ساحه سینده تحقیقات آپارماقلا، شانجانین مونوگرافیا سی نین حاضرلانماسی ایله مشغولام.

فولکلور ساحه سینده (سایالار، کؤسالار، قوچ قاتما، دول گلمه، قیرخیخ، نوروز بایرامی و آخیر چرشنبه مراسیم لری، چیل یاسین، آب نیسان، دب لر، مراسیم لر، ناغیل لار وسایره) قونولاردا مقاله لر یازمیشام.

اوستاد شهریارین مبارزه لی شعرلری مقاله نی ۱۳۷۶- نجی ایله باکی کنفرانسیندا اوخویور و او کنفرانسا تقدیم ائتمیشم و همی ده مهد آزادی قزئتینده چاپ اولوبدور.

۱۳۸۱-نجی گونش ایلین دی آییندا یئنه ده باکیدا قورولان فولکلور سمیناریندا ایشتراک ائدیر و سایالار ساحه سینده مقاله ارائه وئرمیشم.

۱۳۸۳/۱۲/۲۸ دن ۱۳۸۴/۱/۲ - نجی ایله قدر باکی شهرینده فولکلور سمیناریندا ایشتراک و نوروز بایرامی مراسیملری باره ده مقاله ارائه اتمیشم.

گونئی مدنیت اوچاغی نین بیرینجی کیتابیندا شانجان حاقیندا مقاله و شکل لری ارائه وئرمیشم و چاپ اولونوبدور.

عبرت دیواری آدلی کیتابی ۲۰۰ صفحه یه قدر تنظیم و بیر آرجا سایلا (۲۰۰ جیلد) چاپ اولوبدور.

نئچه کیتابین دا ادیتور و اولموشام، گونئیلی بگین مئشین کیتابی و دده قورقود کیتابی و گولدورلو ولی نین، بهروانین و مرادی نین شعر مجموعه سی کیتابلارینی و فولکلور قیلوووزو کیتابلارینی و آیری آیری چاپا حاضرلانان کیتابلاردان تصحیح ائتمکله ایمکان تاپمیشام.

اوستاد شهریار آدینا ادبی انجمن (شهریار درنگی) و گونئی مدنیت اوچاغی نین مؤسس هیئت لریندن اولموشام.

جمهوری آذربایجانین شاعیر لریندن صابیر رستمخانلی، نصرت کسمنلی، محمد آراز، بختیار وهاب زاده، خلیل رضا، امیر پهلوان و گول نیگار رحیملی دن شعرلر اؤز الفبامیزا کؤچورموشم و مهد آزادی روزنامه سینده چاپ اولوبدور.

عزیزه خانیم جعفرزاده نین یازدیقی عاشیق یری مجلسی نین شاعره لریندن گولشاد خانم و سایره لریندن ده کؤچورموشم کی روزنامه لرده چاپ اولوبلار.

ایندی ایسه ۱۳۶۸-دن تقاعدا یاشاماغیما باخمایارق، گونئی منطقه سی و خصوصی ایله آتا-بابا یوردوم و اورکدن سئودیگیم شانجان کندی نین مونوگرافیسین الیمدن گلن قدر یازیرام، انشا الله گله جکده چاپ اولاجاق.

عبدالعلی مجازی (آسلان - شانجان)

تهران ۱۴ / ۶ / ۱۳۸۴